

四庫全書

集部

欽定四庫全書

集部

御定全唐詩卷四百三十四

詳校官庶臺_臣胡鈺

主事銜_臣徐以坤覆勘

總校官知縣_臣繆琪

校對官中書_臣范來宗

謄錄監生_臣江晉

欽定四庫全書

御定全唐詩卷四百三十四

白居易

初入峽有感

上有萬仞山下有千丈水蒼蒼兩崖間闊狹容一葦瞿
唐呀直瀉瀕岨中峙未夜黑巖昏無風白浪起大石
如刀劍小石如牙齒一步不可行況千三百里

自峽州至忠州

灘險相繼凡一十三百里

再窮竹筏愁

念

歌危檝師趾一跌無完舟

吾生繫於此常聞仗忠信蠻貊可行矣自古漂沈

一作流

人豈盡非君子況吾時與命蹇舛不足恃常恐不才身
復作無名死

過昭君村

村在歸州東北四十里

靈珠產無種彩雲出無根亦如彼姝子生此遐陋村至

麗物難掩遽選入君門獨美衆所嫉終棄出

一作於

塞垣

唯此希代色豈無一顧恩事排勢須去不得由至尊白

黑既可變丹青何足論竟埋代北骨不返巴東魂慘澹

晚雲水依稀舊鄉園妍姿化已久但有村名存村中有
遺老指點為我言不取往者戒恐貽來者冤至今村女
面燒灼成癍痕

自江州至忠州

前在潯陽日已歎賓朋寡忽忽抱憂懷出門無處寫今
來轉深僻窮峽巔山下五月斷行舟灩堆正如馬巴人
類猿狖矍鑠滿山野敢望見交親喜逢似人者

初到忠州登東樓寄萬州楊八使君

山東邑居窄峽牽氣候偏林巖少平地霧雨多陰天隱
隱煮鹽火漠漠燒畬煙賴此東樓夕風月時偷然憑軒
望所思目斷心涓涓背春有去雁上水無來船我懷巴
東守本是關西賢平生已不淺流落重相憐水梗漂萬
里籠禽囚五年新恩同雨露遠郡鄰山川書信雖往復
封疆徒接連其如美人面欲見杳無緣

郡中

鄉路音信斷山城日月遲欲知州近遠階前摘荔枝

西樓夜

一作月

悄悄復悄悄城隅隱林杪山郭燈火稀映天星漢少年
光東流水生計南枝鳥月沒江

一作光

沈沈西樓殊未曉

東樓曉

脈脈復脈脈東樓無宿客城闌雲霧多峽深田地窄宵
燈尚留燄晨禽初展翮欲知山高低不見東方白

寄王質夫

憶始識君時愛君世緣薄我亦吏王畿不為名利著春

尋仙遊洞秋上雲居閣樓觀水潺潺龍潭花漠漠吟詩
石上坐引酒泉邊酌因話出處心心期老巖壑忽從風
雨別遂被簪纓縛君作出山雲我為入籠鶴籠深鶴殘

一作顯

賴山遠雲飄泊去處雖不同同負平生約今來各
何在老去隨所託我守巴南城君佐征西幕年顏漸衰
颯生計仍蕭索方含去國愁且羨從軍樂舊遊疑是夢
往事思如昨相憶春又深故山花正落

南賓郡齋即事寄楊萬州

山上巴子城山下巴江水中
有窮獨人強名為刺史時

時竊自哂刺史豈如是倉粟餒家人黃縑裏妻子

忠州刺史

以下悉以倉田給祿
食以黃絹支給充俸

莓苔翳冠帶霧雨霾樓雉衙鼓暮

復朝郡齋卧還起回頭

一作首

望南浦亦在煙波裏而我

復何嗟夫君猶滯此

招蕭處士

峽內豈無人所逢非所思
門前亦有客相對不相知
仰望但雲樹俯顧惟妻兒
寢食起居外端然無所為
東郊

蕭處士聊可與開着能飲滿杯酒善吟長句詩庭前吏
散後江畔路乾時請君攜竹杖一赴郡齋期

庭槐

南方饒竹樹唯有青槐稀十種七八死縱活亦支離何
此郡庭下一株獨華滋蒙蒙碧煙葉嫋嫋黃花枝我家
渭水上此樹蔭前墀忽向天涯見憶在故園時人生有
情感遇物牽所思樹木猶復爾况見舊親知

送客回晚興

城上雲霧開沙頭風浪定參差亂山出澹泞平江淨行
客舟已遠居人酒初醒嫋嫋秋竹梢已蟬聲似磬

東樓竹

瀟灑城東樓繞樓多修竹森然一萬竿白粉封青玉卷
簾睡初覺歌枕看未足影轉色入樓牀席生浮綠空城
絕賓客向夕彌幽獨樓上夜不歸此君留我宿

九日登巴臺

黍香酒初熟菊暖花未開閒聽竹枝曲淺酌茱萸杯去

年重陽日漂泊湓城隈
今歲重陽日蕭條
已子臺旅鬢
尋已白鄉書久不來
臨觴一搔首
座客亦裴回

東城尋春

老色日上面歡情日去心
今既不如昔後當不如今
今猶未甚衰每事力可任
花時仍愛出酒後尚能吟
但恐如此興亦隨日銷沈
東城春欲老勉強一來尋

江上送客

江花已萎絕江草已消歇
遠客何處歸孤舟今日發
杜

鵲聲似哭湘竹斑如血共是多感人仍為此中別

桐花

春令有常候清明桐始發何此巴峽中桐花開十月豈
伊物理變信是土宜別地氣反寒暄天時倒生殺草木
堅強物所稟固難奪風候一參差榮枯遂乖刺況吾北
人性不耐南方熱強羸壽天間安得依時節

早祭風伯因懷李十一舍人

遠郡雖褊陋時祀奉朝經夙興祭風伯天氣曉冥冥導

騎與從吏引我出東垞水霧重如雨山火高於星忽憶
早朝日與君趨紫庭步登龍尾道却望終南青一別身
向老所思心未寧至今想在耳玉音尚玲玲

花下對酒二首

藹藹江氣春南賓閨正月梅櫻與桃杏次第城上發紅
房爛簇火素艷紛團一作粉團雪香惜委風飄愁牽壓枝折

樓中老太守頭上新白髮冷澹病心情暄和好時節故
園音信斷遠郡親賓絕欲問花前尊依然為誰設

引手攀紅櫻紅櫻落似霰仰首看白日白日走

一作委如

箭年芳與時景頃刻猶衰變况是血肉身安能長強健
人心苦迷執慕貴憂貧賤愁色常在眉歡容不上面况
吾頭半白把鏡非不見何必花下杯更待他人勸

不二門

兩眼日將闇四肢漸衰瘦束帶臄昔圍穿衣妨

去聲

寬袖

流年似江水奔注無昏晝志氣與形骸安得長依舊亦
曾登玉陛舉措多紕繆至今金闕籍名姓獨遺漏亦曾

燒大藥消息乖火候至今殘丹砂燒乾不成就行藏事
兩失憂惱心交闕化作顛顛翁拋身在荒陋坐看老病
逼須得醫王救唯有不二門其間無天壽

我身

我身何所似似彼孤生蓬秋霜翦根斷浩浩隨長風昔

游

一作於

秦雍間今落巴蠻中昔為意氣郎今作寂寥

一作

莫

翁外貌雖寂莫中懷頗沖融賦命有厚薄委心任窮

通通當為大鵬舉翅摩蒼穹窮則為鷓鴣一枝足自容

苟知此道者身窮心不窮

哭王質夫

仙遊寺前別別來十年餘生別猶怏怏死別復何如客
從梓潼來道君死不虛驚疑心未信欲哭復踟蹰踟蹰
寢門側聲發涕一作淚亦俱衣上今日淚篋中前月書憐

君古人風重有君子儒篇詠陶謝輩風流嵇阮徒出身

既蹇屯

一作連

生世仍須臾誠知天至高安得不一呼江

南有毒蟒江北有妖狐皆享千年壽多於王質夫不知

彼何德不識此何辜

東坡種花二首

持錢買花樹城東坡上栽但購有花者不限桃杏

一作李

梅百果參雜種千枝次第開天時有早晚地力無高低

紅者霞豔豔白者雪皚皚遊蠶逐不去好鳥亦來栖

一作

栖前有長流水下有小平臺時拂臺上石一舉風前杯

花枝陰我頭花藥落

一作入

我懷獨酌復獨詠不覺月

一作

日平西巴俗不愛花竟春無人來唯此醉太守盡日不

能迴

東坡春向暮樹木

一作下

今何如漠漠花落盡翳翳葉生

初

一作初舒

每日領童僕荷鋤仍決

一作鑿

渠剗土壅其本引

泉溉其枯小樹低數尺大樹長丈餘封植來幾時高下
隨扶疎養樹既如此養民亦何殊將欲茂枝葉必先救
根株云何救根株勸農均賦租云何茂枝葉省事寬刑
書移此為郡政庶幾毗俗蘓

登城東古臺

迢迢東郊上有土青崔嵬不知何代物疑是巴王臺巴
歌久無聲巴宮沒黃埃靡靡春草合牛羊緣四隈我來
一登眺目極心悠哉始見江山勢峰疊水環迴憑高視
聽曠向遠胃襟開唯有故園念時時東北來

哭諸故人因寄元八

昨日哭寢門今日哭寢門借問所哭誰無非故交親偉
卿既長往質夫亦幽淪屈指數年世收涕自思身彼皆
少於我先為泉下人我今頭半白焉得身久存好狂

一作

懷
元郎中相識二十春昔見君生子今聞君抱孫存者
盡老大逝者已成塵早晚升平宅開省一見君

郡中春讌因贈諸客

僕本儒家子待詔金馬門塵忝親近地孤負聖明恩一
旦奉優詔萬里牧遠人可憐島夷帥自稱為使君身騎
牂牁馬口食塗江鱗閭澹緋衫故爛斑白髮新是時歲
二月玉厯布春分頒條示皇澤命宴及良辰冉冉趨府
吏蚩蚩聚州民有如蟄蟲鳥亦應天地春薰草席鋪坐

藤枝酒注樽中庭無平地高下隨所陳
蠻鼓聲坎坎巴女舞蹲蹲使君居上頭
掩口語衆賓勿笑風俗陋勿欺

官府貧蠹巢

一作案

與蟻穴隨分有君臣

開元寺東池早春

池水暖溫暾水清波潋灩簇簇青泥中
新蒲葉如劍梅房小白裏柳彩輕黃
染順氣草熏熏適情鷗汎汎舊遊
成夢寐往事隨陽焱芳物感幽懷一動平生念

東溪

一作澗

種柳

野性愛栽植，植柳水中坻。乘春持斧斫，裁截而樹之。長短既不一，高下隨所宜。倚岸埋大幹，臨流插小枝。松柏不可待，楸枿固難移。不如種此樹，此樹易榮滋。無根亦可活，成陰況非遲。三年未離郡，可以見依依。種罷水邊憩，仰頭閒自思。富貴本非望，功名須待時。不種東溪柳，端坐欲何為。

卧小齋

朝起視事畢，晏坐飽食終。散步長廊下，卧退小齋中。拙

政自多暇幽情誰與同孰云二千石心如田野翁

步東坡

朝上東坡步夕上東坡步東坡何所愛愛此新成樹種
植當歲初滋榮及春暮信意取次栽無行亦無數綠陰
斜景轉芳氣微風度新葉鳥下來萎花蝶飛去閒攜斑
竹杖徐曳黃麻屨欲識往來頻青蕪一作苔成白路

徵秋稅畢題郡南亭

高城直下視蠹蠹見巴蠻安可施政教尚不通語言且

喜賦斂畢幸聞閭井安豈伊循良化賴此豐登年案牘
既簡少池館亦清閒秋雨檐果落夕鐘林鳥還南亭日
滿灑偃卧恣疎頑

蚊蟆

巴徼炎毒早二月蚊蟆生啞膚拂不去繞耳薨薨聲斯
物頗微細中人初甚輕如有膚受譖久則瘡痂成痂成
無奈何所要防其萌麼蟲何足道潛喻傲人情

登龍昌上寺望江南山懷錢舍人

騎馬出西郭悠悠欲何之獨上高寺去一與白雲期
虛檻晚瀟灑前山碧參差忽似青龍閣同望玉峰時
因詠松雪句永懷鸞鶴姿六年不相見况乃隔榮衰

昔嘗與錢舍人

登青龍寺上方同望藍田山各有絕句錢詩云偶來上寺因高望松雪分明見舊山

郊下

西日照高樹樹頭子規鳴東風吹野水水畔江蘺生
盡日看山立有時尋澗行兀兀長如此何許似專城

遣懷

樂往必悲生泰來由否極誰言此數然吾道何終塞嘗
求詹尹卜拂龜竟默默亦曾仰問天天但蒼蒼色自茲
唯委命名利心雙息近日轉安閒鄉園亦休憶回看世
間苦苦在求不得我今無所求庶離憂悲域

歲晚

霜降水返壑風落木歸山冉冉歲將宴物皆復本源何
此南遷客五年獨未還命屯分已定日久心彌安亦嘗
心與口靜念私自言去國固非樂歸鄉未必歡何須自

生苦舍易求其難

負冬日

杲杲冬日出照我屋南隅負暄閉目坐和氣生肌膚初
似飲醇醪又如蟄者蘇外融百骸暢中適一念無曠然
忘所在心與虛空俱

委順

山城雖荒蕪竹樹有嘉色郡俸誠不多亦足充衣食外
累由心起心寧累自息尚欲忘家鄉誰能算官職宜懷

齊遠近委順隨南北歸去誠可憐天涯住亦得

宿溪翁

時初除郎官赴朝

衆心愛金玉衆口貪酒肉何如此溪翁

一作何此溪上翁

飲瓢

亦自足溪南刈薪草溪北修牆屋歲種一項田春驅兩
黃犢於中甚安適此外無營欲溪畔偶相逢菴中遂同
宿辭翁向朝市問我何官祿虛言笑殺翁郎官應列宿
重過壽泉憶與楊九別時因題店壁

商州南十里有水名壽泉湧出石崖下流經山店前憶

昔相送日我去君言還寒波與老淚此地共潺湲一去
歷萬里再來經六年形容已變改處所一作泉水猶依然他
日君過此慙慙吟此篇

西掖早秋直夜書意

自此後中書舍人時作

涼風起禁掖新月生宮沼夜半秋闌來萬年枝嫋嫋炎
涼遞時節鐘鼓交昏曉遇聖惜年衰報恩愁力小素餐
無補益朱綬一作綬虛纏繞冠蓋栖野雲稻粱養山鳥量
能私自省所得已非少五品不為賤五十不為夭若無

知足心貪求何日了

庭松

堂下何所有十松當我階亂立無行次高下亦不齊高

者三丈長下者十尺低有如野生物不知何人栽接以

青瓦屋承之白沙臺朝昏有風月燥濕一作慘溫無塵泥疎

韻秋槭槭一作瑟瑟涼陰夏淒淒春深微雨夕滿葉珠蓂蓂

一作淮歲暮大雪天壓枝玉皚皚四時各有趣萬木非其

儕去年買此宅多為人所咤一家二一作三十口移轉就

松來移來

一作近松

有何得但得煩襟開即此是益友豈必

交賢才顧我猶俗士冠帶走塵埃未稱為松主時時一

媿懷

竹窗

常愛輞川寺竹窗東北廊一別十餘載見竹未曾忘今
春二月初卜居在新昌未暇作廢庫且先營一堂開窗
不糊紙種竹不依行意取北檐下窗與竹相當繞屋聲
淅淅逼人色蒼蒼煙通杳靄氣月透玲瓏光是時三伏

天氣熱如湯獨此竹窗下朝迴解衣裳輕紗一幅巾
小簾六尺牀無客盡日靜有風終夜涼乃知前古人言
事頗諳詳清風北窗卧可以傲羲皇

同韓侍郎遊鄭家池吟詩小飲

野艇容三人晚池流浼浼悠然依櫂坐水思如江海宿
雨洗沙塵晴風蕩煙靄殘陽上竹樹枝葉生光彩我本
偶然來景物如相待白鷗驚不起綠芡行堪采齒髮雖
已衰性靈未云改逢詩遇杯酒尚有心情在

晚歸有感

朝弔李家孤暮問崔家疾

時李十一待郎諸子尚居憂崔二十二員外三年卧病

回馬獨歸來低眉心鬱鬱平生所善者多不過六七如

何十年間零落三無一劉曾夢中見元向花前失

劉三十二

校書歿後嘗夢見之元八少尹今春櫻桃花時長逝

漸老與誰遊春城好風日

曲江感秋二首

并序

元和二年三年四年子每歲有曲江感秋詩凡三

篇編在第七集卷是時予為左拾遺翰林學士無

何貶江州司馬忠州刺史前年遷主客郎中知制
誥未周歲授中書舍人今遊曲江又值秋日風物
不改人事屢變況予中否後遇昔壯今衰慨然感
懷復有此作噫人生多故不知明年秋又何許也
時二年七月十日云耳

元和二年秋我年三十七長慶二年秋我年五十一中
間十四年六年居譴黜窮通與榮悴委運隨外物遂師
廬山遠重弔湘江屈夜聽竹枝愁秋看豔堆沒近辭巴

郡印又秉綸闈筆晚遇何足言白髮映朱紱銷沈昔意
氣改換舊容質獨有曲江秋風煙如往日

疎蕪南岸草蕭颯西風樹秋到未

一作來

幾時蟬聲又無

數莎平綠茸合蓮落青房露今日臨望時往年感秋處
池中水依舊城上山如故獨我鬢間毛昔黑今垂素榮
名與壯齒相避如朝暮時命始欲來年顏已先去當春
不歡樂臨老徒驚誤故作詠懷詩題於曲江路

玩松竹二首

龍蛇隱大澤麋鹿遊豐草
栖鳳安於梧潛魚樂於藻
吾亦愛吾廬廬中樂吾道
前松後修竹偃卧可終老
各附其所安不知他物好

坐愛前檐前卧愛北窗北
窗竹多好風檐松有嘉色
幽懷一以合俗念隨緣息
在爾雖無情於予即有得
乃知性相近不必動與植

衰病無趣因吟所懷

朝餐多不飽夜卧常少睡
自覺寢食間多無少年味
平

生好詩酒今亦將舍棄酒唯下藥飲無復曾歡醉詩多
聽人吟自不題一字病姿與一作引衰相日夜相繼至況
當尚少朝彌慙居近侍終當求一郡聚少漁樵費合口
便歸山不問人間事

逍遙詠

亦莫戀此身亦莫厭此身此身何足戀萬劫煩惱根此
身何足厭一聚虛空塵無戀亦無厭始是逍遙人

御定全唐詩卷四百三十四

欽定四庫全書

御定全唐詩卷四百三十五

白居易

短歌行

曈曈太陽如火色上行千里下一刻出為白晝入為夜
圓轉如珠住不得住不得可一作無奈何為君舉酒歌短

歌歌聲苦詞亦苦四座少年君聽取今夕未竟明夕一作旦
催秋風纔往春風回人無根蒂時不駐朱顏白日相

隳顏勸君且强笑一面勸君且一作復强飲一杯人生不
得長歡樂年少須臾老到來

生離別

食檠不易食梅難檠能苦兮梅能酸未如生別之為難
苦在心兮酸在肝晨雞再鳴殘月沒征馬連嘶一作嘶風行

人出回看骨肉哭一聲梅酸檠苦甘如蜜黃河水白黃

雲秋行人河邊相對愁天寒野一作路曠何處宿棠梨葉

戰風颼颼生離別生離別憂從中一作何來無斷絕憂極

一作積 心勞血氣衰 未年三十生白髮

浩歌行

天長地久無終畢 昨夜今朝又明日 鬢髮蒼浪牙齒疎
不覺身年四十七 前去五十有幾年 把鏡照面心茫然
既無長繩繫白日 又無大藥駐朱顏 朱顏日漸不如故
青史功名在何處 欲留年少待富貴 富貴不來年少去
去復去兮如長河東流 赴海無迴波 賢愚貴賤同歸盡
北邙冢墓高嵯峨 古來一作今如此非獨我 未死有酒且

高歌顏回短命伯夷餓我今所得亦已多功名富貴須

待

一作推

命命若

一作苟

不來知

一作爭

奈何

王夫子

王夫子送君為一尉東南三千五百里道途雖遠位雖卑月俸猶堪活妻子男兒口讀古人書束帶斂手來從事近將徇祿給一家遠則行道佐時理行道佐時須待命委身下位無為恥命苟未來且求食官無卑高及遠邇男兒上既未能濟天下下又不至飢寒死吾觀九品

至一品其間氣味都相似紫綬朱紱青布衫顏色不同
而已矣王夫子別有一事欲勸君遇一作逢酒逢春且歡
喜

江南遇天寶樂叟

白頭病一作老

叟泣且言祿山未亂入梨園能彈琵琶和

法曲多在華清隨至尊是時天下太平久年年十月坐
朝元千官起居環珮合萬國會同車馬奔金鈿照耀石
甕寺蘭麝熏煮溫湯源貴妃宛轉侍君側體弱不勝珠

翠繁冬雪飄飄錦袍暖春風蕩漾霓裳翻歡娛未足燕
寇至弓勁馬肥胡語喧幽土人遷避夷狄鼎湖龍去哭
軒轅從此漂淪落南土萬人死盡一身存秋風江上浪
無限暮雨中酒一尊涸魚久失風波勢枯草曾霑雨
露恩我自秦來君莫問驪山渭水如荒村新豐樹老龍
明月長生殿閤鎖春雲一作黃昏紅葉紛紛蓋欹瓦綠苔重
重封壞垣唯有中官作宮使每年寒食一開門

送張山人歸嵩陽

黃昏慘慘天微雪修

一作
備

行坊西鼓聲絕張生馬瘦衣

且單夜扣柴門與我別媿君冒寒來別我為君酤酒張

燈火酒酣火煖與君言何事

一作
君何

入關又出關荅云前

年偶下山四十餘月客長安長安古來名利地空手無

金行路難朝遊九城陌肥馬輕車欺殺客暮宿五侯門

殘茶冷酒愁殺人春明門門前便是嵩山路

一作春明
門外高高

處直下便
是嵩山路

幸有雲泉容此身明日辭君且歸去

醉後走筆酬劉五主簿長句之贈兼簡張大賈

二十四先輩昆季

劉兄文高行孤立十五年前名翕習是時相遇在符離
我年二十君三十得意忘年心迹親寓居同縣日知聞
衡門寂莫朝尋我古寺蕭條暮訪君朝來暮去多攜手
窮巷貧居何所有秋燈夜寫聯句詩春雪朝傾煖寒酒
陣湖綠愛白鷗飛灘水清憐紅鯉肥偶語閒攀芳樹立
相扶醉蹋落花歸張賈弟兄同里巷乘閒數數來相訪
雨天連宿草堂中月夜徐行石橋上我年漸長忽自驚

鏡中冉冉髭鬚生，心畏後時同勵志。身牽前事各求名，
問我栖栖何所適。鄉人薦為鹿鳴客，二千里別謝交遊。
三十韻詩慰行役，出門可憐唯一身。敝裘瘦馬入咸秦，
皤皤街鼓紅塵闇。晚到長安無主人，二賈二張與余弟。
驅車遞迤來相繼，操詞握賦為干戈。鋒銳森然勝氣多，
齊入文場同苦戰。五人十載九登科，二張得雋名居甲。
美退爭雄重告捷，棠棣輝榮竝桂枝。芝蘭芳馥和荆葉，
唯有沅犀屈未伸。握中自謂駭雞珍，三年不鳴鳴必大。

豈獨駭難當駭人元和運啓千年聖同遇明時余最幸
始辭祕閣吏王畿遽列諫垣升禁闥蹇步何堪鳴珮玉
衰容不稱著朝衣闔闔晨開朝百辟晃旒不動香煙碧
步登龍尾上虛空立去天顏無咫尺宮花似雪從乘輿
禁月如霜坐直廬身賤每驚隨內宴才微常媿草天書
晚松寒竹新昌第職居密近門多閉日暮銀臺下直回
故人到門門暫開回頭下馬一相顧塵土滿衣何處來
斂手炎涼敘未畢先說舊山今悔出岐陽旅宦少歡娛

江左羈遊費時日贈我一篇行路吟吟之句句披沙金
歲月徒催白髮貌泥塗不屈青雲心誰會茫茫天地意
短才獲用長才棄我隨鵷鷺入煙雲謬上丹墀為近臣
君同鸞鳳棲荆棘猶著青袍作選人惆悵知賢不能薦
徒為出入蓬萊殿月慙諫紙二百張歲媿俸錢三十萬
大底浮榮何足道幾度相逢即身老且傾斗酒慰羈愁
重話符離問舊遊北巷鄰居幾家去東林舊院何人住
武里村花落復開流溝山色應如故感此酬君千字詩

醉中分手又何之。須知通塞尋常事。莫歎浮沈先後時。
慷慨臨歧重相勉。殷勤別後加餐飯。君不見買臣衣錦
還故鄉。五十身榮未為晚。

和錢員外荅盧員外早春獨遊曲江見寄長句
春來有色闇融融。先到詩情酒思中。柳岸霏微裊塵雨。
杏園澹蕩開花風。聞君獨遊心鬱鬱。薄晚新晴騎馬出。
醉思詩侶有同年。春歎翰林無暇日。雲夫首倡寒玉音。
蔚章繼和春搜吟。此時我亦閉門坐。一日風光三處心。

雲夫蔚章同年及第時
余與蔚章同在翰林

東墟晚歇

時退居
渭村

涼風冷露蕭索天黃蒿紫菊荒涼田繞冢秋花少顏色
細蟲小蝶飛翻翻中有騰騰獨行者手拄漁竿不騎馬
晚從南澗釣魚回歇此墟中白楊下褐衣半故白髮新
人逢知我是何人誰言渭浦棲遲客曾作甘泉侍從臣

客中月

客從江南來來時月上弦悠悠行旅中三見清光圓曉

隨殘月行夕與新月宿誰謂月無情千里遠相逐朝發
渭水橋暮入長安陌不知今夜月又作誰家客

輓歌詞

丹旄何飛揚素驂亦悲鳴晨光照閭巷輜車儼欲行蕭
條九月天哀輓出重一作晚城借問送者誰妻子與弟

兄蒼蒼上古原

一作古原上

峨峨開新塋含酸一慟哭異口

同哀聲舊隴轉蕪絕新墳日羅列春風草綠

一作秋草

北邙

山此地年年生死別

長相思

九月西風興月冷露華凝思君秋夜長一夜魂九升二
月東風來草拆花心開思君春日遲一日腸九迴妾住
洛橋北君住洛橋南十五即相識今年二十三有如女
蘿草生在松之側蔓短枝苦高縈迴上不得人言人有
願願至天必成願作遠方獸步步比肩行願作深山木
枝枝連理生

山鷓鴣

山鷓鴣朝朝暮暮啼復啼啼時露白風淒淒黃茅岡頭
秋日晚苦竹嶺下寒月低畬田有粟何不啄石南有枝
何不棲迢迢不緩復不急樓上舟中聲闌入夢鄉遷客
展轉卧抱兒寡婦彷徨立山鷓鴣爾本此鄉鳥生不辭
巢不別羣何苦聲聲啼到曉啼到曉唯能愁北人南人
慣聞如不聞

放旅雁

元和十
年冬作

九江十年冬大雪江水生冰樹枝折百鳥無食東西飛

中有旅鴈聲最飢雪中啄草冰上宿翅冷騰空飛動遲
江童持網捕將去手攜入市生賣之我本北人今謫謫
人鳥雖殊同是客見此客鳥傷客人贖汝放汝飛入雲
鴈鴈汝飛向何處第一莫飛西北去淮西有賊討未平
百萬甲兵久屯聚官軍賊軍相守老食盡兵窮將及汝
健兒飢餓射汝喫拔汝翅翎為箭羽

送春歸

元和十一年三月三十日作

送春歸三月盡日日暮時去年杏園花飛御溝綠何處

送春曲江曲今年杜鵑花落子規啼送春何處西江西
帝城送春猶怏怏天涯送春能不加惆悵莫惆悵送春
人冗員無替五年罷應須準擬再送潯陽春五年炎涼
凡十變又知此身健不健好去一作送今年江上春明年
未死還相見

山石榴寄元九

山石榴一名山躑躅一名杜鵑花杜鵑啼時花撲撲九
江三月杜鵑來一聲催得一枝開江城上佐閒無事山

下斲得廳前栽爛熳一闌十八樹根株有數花無數千

房萬葉一時新嫩紫殷紅鮮麴塵淚痕衰損燕支臉剪

刀裁破紅綃巾謫仙初墮愁在世姍女新嫁嬌泥去聲春

日射血珠將滴地風翻火燄欲燒人閒折兩枝持在手

細看不似人間有花中此物似西施芙蓉芍藥皆嫫母

奇芳絕豔別者誰通州遷客元拾遺拾遺初貶江陵去

去時正值青春暮商山秦嶺愁殺君一作人山石榴花紅

夾路題詩報我何所云苦一作若云色似石榴裙當時業

畔唯思我今日
闌前只憶君
憶君不見坐銷落日西風
起紅紛紛

畫竹歌

并引

協律郎蕭悅善畫竹舉時

一作世

無倫蕭亦甚自祕

重有終歲求其一竿一枝而不得者知予天與好

事忽寫一十五竿惠然見投予厚其意高其藝無

以答貺作歌以報

一作答

之凡一百八十六字云

植物之中竹難寫古今雖畫無似者蕭郎下筆獨逼真

丹青以來唯一人人畫竹身肥擁腫蕭畫莖瘦節節疎
人畫竹梢死羸垂蕭畫枝活葉葉動不根而生從意生
不筍而成由筆成野塘水邊碕岸側森森兩叢十五莖
嬋娟不失筠粉態蕭颯盡得風煙情舉頭忽看不似畫
低耳靜聽疑有聲西叢七莖勁而健省向天竺寺前一作
邊石上見東叢八莖疎且寒憶曾湘妃廟裏雨中看幽

姿遠思少人別與君相顧空長歎蕭郎蕭郎老可惜手

顫

一作戰

眼昏頭雪色自言便是絕筆時從今此竹尤難

得

真娘墓

墓在虎丘寺

真娘墓虎丘道不識真娘鏡中面
唯見真娘墓頭草霜摧桃李風折蓮
真娘死時猶少年脂膚美手不牢固
世間尤物難留連難留連易銷歇
塞北花江南雪

長恨歌

前進士陳鴻撰長恨歌傳曰開元中
泰階平四海無事明皇在位歲久倦於
旰食宵衣政無小大始

委於右丞相深居遊宴以聲色自娛先是元獻皇
后武淑妃皆有寵相次即世宮中雖良家子千數
無可悅目者上心忽忽不樂時每歲十月駕幸華
清宮內外命婦媚耀景從浴日餘波賜以湯沐春
風靈液澹蕩其間上心油然若有顧遇左右前後
粉色如土詔高力士潛搜外宮得弘農楊玄琰女
於壽邸既笄矣鬢髮膩理纖穠中度舉止閒冶如
漢武帝李夫人別疏湯泉詔賜澡瑩既出水體弱

力微若不任羅綺光彩煥發轉動照人上甚悅進
見之日奏霓裳羽衣曲以導之定情之夕授金釵
鈿合以固之又命戴步搖垂金璫明年冊為貴妃
半后服用由是治其容敏其詞婉嬖萬態以中上
意上益嬖焉時省風九州泥金五嶽驪山雪夜上
陽春朝與上行同室宴專席寢專房雖有三夫人
九嬪二十七世婦八十一御妻暨後宮才人樂府
伎女使天子無顧盼意自是六宮無復進幸者非

徒殊艷尤態致是蓋才智明慧善巧便佞先意希
旨有不可形容者叔父昆弟皆列在清貴爵為通
侯姊妹封國夫人富埒王室車服邸第與大長公
主侔而恩澤勢力則又過之出入禁門不問京師
長吏為側目故當時謠詠有云生女勿悲酸生兒
勿喜歡又曰男不封侯女作妃看女却為門上楣
其為人心羨慕如此天寶末兄國忠盜丞相位愚弄
國柄及安祿山引兵嚮關以討楊氏為辭潼關不

守翠華南幸出咸陽道次馬嵬亭六軍裴回持戟
不進從官郎吏伏上馬前請誅錯以謝天下國忠
奉釐纓盤水死於道周左右之意未快上問之當
時敢言者請以貴妃塞天下怒上知不免而不忍
見其死反袂掩面使牽之而去蒼黃展轉竟就絕
於尺組之下既而明皇狩成都肅宗受禪靈武明
年大兇歸元大駕還都尊明皇為太上皇就養南
宮遷於西內時移事去樂盡悲來每至春之日冬

之夜池蓮夏開宮槐秋落梨園弟子玉琯發音聞
霓裳羽衣一聲則天顏不怡左右獻歎三載一意
其念不衰求之魂夢杳不能得適有道士自蜀來
知上皇心念楊妃如是自言有李少君之術明皇
大喜命致其神方士乃竭其術以索之不至又能
遊神馭氣出天界沒地府以求之不見又旁求四
虛上下東極大海跨蓬壺見最高仙山上多樓闕
西廂下有洞戶東向闔其門署曰玉妃太真院方

士抽簪扣扉有雙童女出應門方士造次未及言而雙鬟復入俄有碧衣侍女又至詰其所從方士因稱唐天子使者且致其命碧衣云玉妃方寢請少待之於時雲海沈沈洞天日晚瓊戶重闔悄然無聲方士屏息斂足拱手門下久之而碧衣延入且曰玉妃出見一人冠金蓮披紫綃佩紅玉曳鳳鳥左右侍者七八人揖方士問皇帝安否次問天寶十四年已還事言訖憫默指碧衣取金釵鈿合

各折其半授使者曰為謝太上皇謹獻是物尋舊
好也方士受辭與信將行色有不足玉妃固徵其
意復前跪致詞請當時一事不為他人聞者驗於
太上皇不然恐鈿合金釵負新垣平之詐也玉妃
茫然退立若有所思徐而言之曰昔天寶十載侍
輦避暑驪山宮秋七月牽牛織女相見之夕秦人
風俗是夜張錦繡陳飲食樹瓜果焚香於庭號為
乞巧宮掖間尤尚之夜殆半休侍衛於東西廂獨

侍上上凭肩而立因仰天感牛女事密相誓心願
世世為夫婦言畢執手各嗚咽此獨君王知之耳
因自悲曰由此一念又不得居此復墮下界且結
後緣或為天或為人決再相見好合如舊因言太
上皇亦不久人間幸唯自安無自苦耳使者還奏
太上皇皇心震悼日日不豫其年夏四月南宮晏
駕元和元年冬十二月太原白樂天自校書郎尉
於盤屋鴻與琅邪王質夫家於是邑暇日相攜遊

仙遊寺話及此事相與感歎質夫舉酒於樂天前
曰夫希代之事非過出世之才潤色之則與時消
沒不聞於世樂天深於詩多於情者也試為歌之
如何樂天因為長恨歌意者不但感其事亦欲懲
尤物室亂階垂於將來也歌既成使鴻傳焉世所
不聞者予非開元遺民不得知世所知者有明皇
本紀在今但傳長恨歌云爾

漢皇重色思傾國御宇多年求不得楊家有女初長成

養在深閨人未識天生麗質難自棄一朝選在君王側

回眸一笑百媚生六宮粉黛無顏色春寒賜浴華清池

溫泉水滑洗凝脂侍兒扶起嬌無力始是新承恩澤時

雲鬢花顏

冠一作

金步搖芙蓉帳暖度

一作裏暖

春宵春宵苦

短日高起從此君王不早朝承歡侍宴

一作寢

無閒暇春

從春遊夜專夜後

一作漢

宮佳麗三千人三千寵愛在一

身金屋妝成嬌侍夜玉樓宴罷醉和春姊妹弟兄皆列

土可憐光彩生門戶遂令天下父母心不重生男重生

女驪宮高處入青雲仙樂風飄處處聞緩歌慢舞凝絲

竹盡日君王看

一作聽

不足漁陽鞞鼓動地來驚破霓裳羽

衣曲九重城闕煙塵生千乘萬騎西南行翠華搖搖行

復止西出都門百餘里六軍不發無

一作知

奈何宛轉蛾

眉馬前死花鈿委地無人收翠翹金雀玉搔頭君王掩

面救不得回看

一作首

血淚相和流黃埃散漫風蕭索雲

棧紫紆

一作迴

登劍閣峨嵋山下少人行旌旗無光日色

薄蜀江水碧蜀山青聖主朝朝暮暮情行宮見月傷心

色夜雨聞鈴腸斷聲天旋日轉迴龍馭到此躊躇不能

去馬嵬坡下泥

一作塵

土中不見玉顏空死處君臣相顧

盡霑衣東望都門信馬歸歸來池苑皆依舊太液芙蓉

未央柳芙蓉如面柳如眉對此如何不淚垂春風桃李

花開夜

一作日

秋雨梧桐葉落時西宮南苑

一作內

多秋草

宮

一作落

葉滿階紅不埽梨園弟子白髮新椒房阿監青

娥老夕殿螢飛思悄然孤

一作秋

燈挑盡未成眠遲遲鐘

鼓初長夜耿耿星河欲曙天鴛鴦瓦冷霜華重翡翠衾

寒

一作舊枕故衾

誰與共悠悠生死別經年魂魄不曾來入夢

臨叩道

一作方

士鴻都客能以精誠致魂魄為感君王展

轉思

一作思

遂教方士殷勤覓排空

一作雲

馭氣奔如電升

天入地求之徧上窮碧落下黃泉兩處茫茫皆不見忽

聞海上有仙山山在虛無縹緲間樓閣

一作殿

玲瓏五雲

起其中綽約多仙子中有一人字太真

一作字玉真又作名玉妃

雪

膚花貌參差是金闕西

一作兩

廂叩玉局轉教小玉報雙

成聞道漢家天子使九華帳裏

一作下

夢魂驚攬衣推枕

起裊回珠箔銀屏

一作鈎

邏迤

一作迤

開雲鬢

一作髻

半偏新

睡覺花冠不整下堂來風吹仙袂飄飄舉猶似霓裳羽

衣舞玉容寂莫淚闌干梨花一枝春帶雨含情凝睇

一作

涕謝君王一別音容兩渺茫昭陽殿裏恩愛絕蓬萊宮

中日月長回頭下望

一作問

人寰處不見長安見塵霧唯

將

一作空持

舊物表深情鈿合金釵寄將去釵留一股合一

扇釵擘黃金合分鈿但教

一作令

心似金鈿堅天上人間

會相見臨別殷勤重寄詞詞中有誓兩心知七月七日

長生殿夜半無人私語時在天願作一作比翼鳥在地

願為連理枝天長地久有時盡此恨綿綿無絕一作期

婦人苦

蟬鬢加意梳蛾眉用心掃幾度曉妝成君看不言好妾
身重同穴君意輕偕老惆悵去年來心知未能道今朝
一開口語少意何深願引他時事移君此日心人言夫
婦親義合如一身及至死生際何曾苦樂均婦人一喪
夫終身守孤子有如林中竹忽被風吹折一折不重生

枯死猶抱節男兒若喪婦能不暫傷情應似門前柳逢
春易發榮風吹一枝折還有一枝生為君委曲言願君
再三聽須知婦人苦從此莫相輕

長安道

花枝缺處青樓開艷歌一曲酒一杯美人勸我急行樂
自古朱顏不再來君不見外州一本此下有官字客長安道一

迴來

一本此下有時字

一迴老

潛別離

不得哭潛別離不得語闇相思兩心之外無人知深籠
夜鏢獨棲鳥利劍春斷連理枝河水雖濁有清日烏頭
雖黑有白時唯有潛離與暗別彼此甘心無後期

陽浦蓮

陽浦愛紅蓮昨日看猶在夜來風吹落只得一回采花
開雖有明年期復愁明年還暫時

寒食野望吟

丘墟郭門外寒食誰家哭風吹曠野紙錢飛古墓累累

春草綠棠梨花映白楊樹盡是死生離別處冥冥重泉
哭不聞蕭蕭暮雨人歸去

琵琶引

并序

元和十年予左遷九江郡司馬明年秋送客湓浦

口聞船

一作舟

中夜彈琵琶者聽其音錚錚然有京

都

一作邑

聲問其人本長安倡女嘗學琵琶於穆曹

二善才年長色衰委身為賈人婦遂命酒使快彈

數曲曲罷憫默自叙少小時歡樂事今漂淪顛顛

轉徙於江湖間予出官二年恬然自安感斯人言
是夕始覺有遷謫意因為長句歌以贈之凡六百

一十二言命曰琵琶行

潯陽江頭夜送客楓葉荻花秋索索

一作瑟瑟

主人下馬客

在船舉酒欲飲無管弦醉不成歡慘將別別時茫茫江

浸月忽聞水上琵琶聲主人忘歸客不發尋聲暗問彈

者誰琵琶聲停欲語遲移船相近邀相見添酒迴燈重

開宴千呼萬喚始出來猶抱

一作把

琵琶半遮面轉軸撥

弦三兩

一作五

聲未成曲調先有情弦弦掩抑聲聲思似

訴平生不得意

一作志

低眉信手續續彈說盡心中無限

事輕攏慢撚抹復挑初為霓裳後六么

一作綠腰

大弦嘈嘈

如急雨小弦切切如私語嘈嘈切切錯雜彈大珠小珠

落玉盤間關鶯語花底滑幽咽泉流水

一作冰

下灘

一作難

水泉冷澀弦疑絕疑絕不通聲暫歇別有幽愁暗恨生

此時無聲勝有聲銀鉗乍破水漿迸鐵騎突出刀槍鳴

曲終收撥當心畫四弦一聲如裂帛東舟西舫悄無言

唯見

一作有

江心秋月白沈吟放撥插弦中整頓衣裳起

斂容自言本是京城女家在蝦蟇陵下住十三學得琵琶成名屬教坊第一部曲罷曾教善才伏妝成每被秋娘妬五陵年少爭纏頭一曲紅綃不知數鈿頭雲篦擊節碎血色羅裙翻酒汙今年歡笑復明年秋月春風等閒度弟走從軍阿姨死暮去朝來顏色故門前冷落鞍馬稀老大嫁作商人婦商人重利輕別離前月浮梁買茶去去來江口守空船繞船月明江水寒夜深忽夢少

年事夢啼妝淚

一作啼妝淚落

紅闌干我聞琵琶已歎息又聞

此語重唧唧同是天涯淪落人相逢何必曾相識我從

去年辭

一作離

帝京謫居卧病潯陽城潯陽小處

一作地僻

無

音樂終歲不聞絲竹聲住近湓江地低濕黃蘆苦竹繞

宅生其間旦暮聞何物杜鵑啼血猿哀鳴春江花朝秋

月夜往往取酒還獨傾豈無山歌與村笛嘔啞嘲哢

一作作

啗難為聽今夜聞君琵琶語如聽仙樂耳暫明莫辭更

坐彈一曲為君翻作琵琶行感我此言良久立却坐促

弦弦轉急淒淒不似向前聲滿座重聞皆掩泣座

一作就

中泣下

一作淚

誰最多江州司馬青衫濕

簡簡吟

蘇家小女名簡簡芙蓉花顚柳葉眼十一把鏡學點妝

十二抽鍼能繡裳十三行坐事調品不肯迷頭白地藏

玲瓏雲髻生花

一作菜

樣飄飄風袖薔薇香殊姿異態不

可狀忽忽轉動如有光二月繁霜殺桃李明年欲嫁今

年死丈人阿母勿悲啼此女不是凡夫妻恐是天仙謫

人世只合人間十三歲大都好物不堅牢彩雲易散琉璃脆

花非花

花非花霧非霧夜半來天明去來如春夢幾多時去似朝雲無覓處

醉後狂言酬贈蕭殷二協律

餘杭邑客多羈貧其間甚者蕭與殷天寒身上猶衣葛日高甌中未拂塵江城山寺十一月北風吹沙雪紛紛


賓客不見緋袍惠黎庶未霑襦袴恩此時太守自慙媿
重衣複衾有餘溫因命染人與鍼女先製兩裘贈二君
吳縣細軟桂布密柔如狐腋白似雲勞將詩書投贈我
如此小惠何足論我有大裘君未見寬廣和暖如陽春
此裘非繒亦非纈裁以法度絮以仁刀尺鈍拙製未畢
出亦不獨裹一身若令在郡得五考與君展覆杭州人

醉歌

示伎人
商玲瓏

罷胡琴掩秦瑟玲瓏再拜歌初畢誰道使君不解歌聽

唱黃雞與白日黃雞催曉丑時鳴
白日催年酉前沒腰間紅綬繫未穩
鏡裏朱顏看已失玲瓏玲瓏柰老何
使君歌了汝更歌



御定全唐詩卷四百三十五

欽定四庫全書

集部

御定全唐詩卷四百三十六

詳校官庶吉士_臣胡鈺

主事銜_臣徐以坤覆勘

總校官知縣_臣繆琪

校對官中書_臣范來宗

滕錄監生_臣江晉

欽定四庫全書

御定全唐詩卷四百三十六

白居易

代書詩一百韻寄微之

憶在貞元歲初登

一作俱升

典校司身名同日授心事一言

知

貞元中與微之同登科第俱授祕書省校書郎始相識也

肺腑都無隔形骸兩不

羈疎狂屬年少閒散為官卑分定金蘭契言通藥石規

交賢方汲汲友直每僛僛有月多同賞無杯不共持秋

風拂琴匣夜雪卷書帷高上慈恩塔幽尋皇子陂唐昌

玉藥會崇敬牡丹期

唐昌觀玉藥崇敬寺牡丹花時多與微之有期

笑勸迂辛

酒閒吟短李詩

辛大立度性迂嗜酒李二十紳形短能詩故當時有迂辛短李之號

儒風

愛敦質佛理賞玄師

劉三十二敦質雅有儒風度七玄師談佛理有可賞者

度日

曾無悶通宵靡不為雙聲聯律句八面對

一作數

宮棊

雙聲

聯句八面宮棊皆當時事往往遊三省騰騰出九逵寒銷直城路春

到

一作滿

曲江池樹暖枝條弱山晴彩翠奇峰攢石綠點

柳宛

一作惹

麴塵絲岸草煙鋪地園花雪壓枝早光紅照

耀新溜碧透迤幄幕侵一作分堤布盤筵占地施微伶皆

求一作絕藝選一作迎伎悉一作選名姬粉黛一作鉛粉凝春態一作

豔金鈿耀水嬉風流誇墮髻時世鬪啼一作愁眉貞元末城中復

為墮馬髻啼眉狀也密坐隨歡促華尊逐勝移香飄歌袂動翠落

舞釵遺籌插紅螺腕觥飛白玉卮打嫌調笑易飲訝卷

波遲拋打曲有調笑今飲酒曲有卷白波殘席諠譁散歸鞍酩酊騎酖顏

烏帽側醉袖玉鞭垂紫陌傳鐘鼓紅塵塞路岐幾時曾

整別何處不相隨在苒星霜換迴環節候催一作推兩衙

多請告

一作假

三考欲

一作遂

成資運啓千年聖天成萬物

宜皆當少壯日同惜盛明時光景嗟虛擲雲霄竊暗窺

攻文朝矻矻講學夜孜孜策目穿如札

時與微之結集策畧之目其數

至百十

鋒毫

一作毫鋒

銳若錐

時與微之各有纖鋒細管筆攜以就試相顧輒笑目為毫錐

繁張獲鳥網堅守釣魚坻

謂自冬至夏頻改試期竟與微之堅待制試也

竝受

夔龍薦齊陳

一作登

鼉董詞萬言經濟畧三策

一作道

太平

基中

一作取

第爭無敵專場戰不疲輔車排勝陣掎角牽

一作奪

降旗

竝謂同鋪席共筆研

雙闕紛容衛千僚儼等衰

謂制舉人欲唱

第之時也恩隨紫泥降名向白麻披既在高科選還從好爵

縻東垣君諫諍西邑我驅馳

元和元年同登制科微之拜拾遺予授鹽屋尉

再

喜登烏府多慙侍赤墀

四年微之復拜監察予為拾遺學士也

官班分內

外遊處遂參差每列鵷鸞序偏瞻擢多姿簡威霜凜冽

衣彩繡歲挺正色摧強禦剛腸嫉喔咻常憎持祿位不

擬保妻兒養勇期除惡輸忠在滅私下譖驚燕雀當道

懾狐狸南國人無怨

一作枉

東臺吏不欺

微之使東川奏冤八十餘家詔

從而平之因

理

一作雪

冤多定國切

一作犯

諫甚辛毗造次

行於是平生志在茲

一作斯

道將心共直言與行兼

一作相

危水暗波翻覆山藏路險巖未為明主識已被倖臣疑

木秀遭風折蘭芳遇霰萎千鈞勢易壓一柱力難撐騰

口因

一作方

成瘠吹毛遂得疵憂來吟貝錦謫去詠江離

邂逅塵中遇殷勤馬上辭賈生離魏闕王粲向荆夷水

過

一作度

清源寺山經綺季

一作里

祠心搖漢臯珮淚墮岷

亭

一作山

碑

竝達中所經歷者也

驛路緣雲際城樓枕水湄思鄉多

繞澤望闕

一作國

獨登陴林晚青蘿索江平綠渺瀰野秋

鳴蟋蟀沙冷聚鸕鷀官舍黃茅屋人家苦竹籬白醪充

夜酌紅粟備晨炊寡鶴推風翻鰓魚失水髻間雛啼渴

一作鷗

旦涼葉墜相思

此四句兼含微之錄居之思

一點寒

一作秋

燈滅

三聲曉角吹藍衫經雨故驄馬卧霜羸念涸誰濡沫嫌

醒自歎醺耳垂無

一作懷

伯樂舌在有

一作感

張儀負氣衝

星劍傾心向日葵金言自銷鑠玉性有磷緇伸屈須看

螻窮通莫問龜定知身是患應用道為醫想子今如彼

嗟予獨在斯

一作茲

無慘

一作惊

當歲杪有夢到天涯坐阻

連襟帶行乖接履綦潤銷衣上霧香散室中芝念遠緣

一作傷

遷貶驚時為

一作歎

別離素書三往復明月七盈虧

自與微之別經七月三度得書

舊里

一作理

非難到餘歡不可

一作易

追樹

依興善老草傍靜

一作靖

安衰

微之宅在靖安坊西近興善寺

前事思如

昨中懷寫向誰北村尋古柏南宅訪辛夷

開元觀西北院即隋時龍

村佛堂有古柏一株至今存焉微之宅中有辛夷兩樹常與微之遊息其下

此日空

一作徒

搔

首何人共解頤病多知夜永年長覺秋悲不飲長如醉

加餐亦似飢狂吟

一作書

一千字因使寄微之

和鄭元

一作方

及第後秋歸洛下閒居

同高侍郎下隔年及

第

勤苦成名後優游得意間
玉憐同匠琢桂恨隔年攀山
靜豹難隱谷幽鶯暫還微
吟詩引步淺酌酒開顏門迴
暮臨水窗深朝對山雲衢日
相待莫誤許身閒

與諸同年賀座主侍郎新拜太常同宴蕭尚書

亭子

座主於蕭尚書下
及第得羣字韻

寵新卿典禮會盛客徵文不失遷鶯侶
因成賀燕羣池

臺

一作塘

晴間雪冠蓋暮和雲共仰曾攀處年深桂尚熏

東都冬日會諸同年宴鄭家林亭

得先字

盛時陪上第暇日會羣賢桂折因同樹鶯遷各異年賓

階紛組佩

一作綬

妓席儼花鈿促膝齊榮賤差肩次後先

助歌林下水銷酒雪中天他日升沈者無忘共此筵

敘德書情四十韻上宣歙翟

一作崔

中丞

宣州薦送及第

後重投此詩

元聖生乘運忠賢出應期還將稽古力助立太平基土

控吳兼越州連歛與池山河地襟帶軍鎮國藩維廉察
安江甸澄清肅海夷股肱分外守耳目付中司楚老歌
來暮秦人詠去思望如時雨至福是一作似歲星移政靜

民無訟刑行吏不欺撫謙驚主寵陰德畏人知白玉慙
溫色朱繩讓直辭行為時領袖言作世著龜盛幕招賢
士連營訓銳師光華下鴈鷺氣色動熊羆出入麾幢引
登臨劍戟隨好風迎解榻美景待褰帷晴野霞飛綺春
郊柳宛絲城烏驚畫角江雁避紅旗藉草朱輪駐攀花

紫綬垂山宜謝公
展洲稱柳家
詩酒氣和芳
杜弦聲亂
子規分毳齊
馬首列舞匣
蛾眉醉惜年
光晚歡憐日影
遲迴塘排玉
櫂歸路擁金羈
自顧龍鍾者
嘗蒙噢咻之
仰山塵不讓涉
海水難為身
忝鄉人薦名
因國士推提
攜增善價
拂拭長妍姿
射策端心術
遷喬整羽儀
幸穿楊遠葉
謬折桂高枝
佩德潛書帶
銘仁暗勒肌
飭一作勸
躬趨館舍
拜手挹階墀
霄漢程雖在
風塵迹尚卑
敝衣羞布素
敗屋厭茅茨
養乏晨昏膳
居無伏臘資
盛時貧

可恥壯歲病堪嗤擢第名方立耽書力未疲磨鉛重剗
割策蹇再奔馳相馬須憐瘦呼鷹正及飢扶搖重即事
會有荅恩時

和渭北劉大夫借便秋遮虜寄朝中親友

巨鎮為邦屏全材作國楨韜鈴漢上將文墨魯諸生
虎關西卒金湯渭北城寵深初受榮威重正揚兵陣占
山河布軍諳水草行夏苗侵虎一作部落宵遁失蕃營雲
隊攢戈戟風行卷旆旌埃空烽火滅氣勝鼓聲鳴胡馬

辭南牧周師罷北征迴頭問天下何處有欃槍

題故曹王宅

宅在檀溪

甲第何年置朱門此地開山當賓閣出溪繞妓堂迴覆
井桐新長陰窗竹舊栽池荒紅菡萏砌老綠莓苔捐館
梁王去思人楚客來西園飛蓋處依舊月裴回

自江陵之徐州路上寄兄弟

岐路南將北離憂弟與兄關河千里別風雪一身行夕
宿勞鄉夢晨裝慘旅情家貧憂後事日短念前程煙鴈

飜寒渚霜鳥聚古城誰憐陟岡者西楚望南荆

酬哥舒大見贈

去年與哥舒等八人同登科第今敘會散之意

去歲歡遊何處去

一作好

曲江西岸杏園東花下忘歸因

美景尊前勸酒是春風名從微宦風塵裏共度流年離
別中今日相逢愁又喜八人分散兩人同

和談校書秋夜感懷呈朝中親友

遙夜涼風楚客悲清砧繁漏月高時秋霜似鬢年空長
春草如袍位尚卑詞賦擅名來已久煙霄得路去何遲

漢庭卿相皆知已不薦揚雄欲薦誰

感秋寄遠

惆悵時節晚兩情千里同離憂不散處庭樹正秋風燕
影動歸翼蕙香銷故叢佳期與芳歲牢落兩成空

春題華陽觀

觀即華陽公主故
宅有舊內人存焉

帝子吹簫逐鳳皇空留仙洞號華陽落花何處堪惆悵
頭白宮人埽影堂

秋雨中贈元九

不堪紅葉青苔地又是涼風暮雨天莫怪獨吟秋思苦
比君校近二毛年

城東閒遊

寵辱憂歡不到情任他朝市自營營獨尋秋景城東去
白鹿原頭信馬行

荅韋八

麗句勞相贈佳期恨

一作音悵

有違早知留酒待悔不趁花

歸春盡綠醅老雨多紅萼稀今朝如一醉猶得及芳菲

華陽觀桃花時招李六拾遺飲

華陽觀裏仙桃發把酒看花心自知爭忍開時不同醉
明朝後日即空枝

和友人洛中春感

一作感春

莫悲金谷園中月莫歎天津橋上春若學多情尋往事
人間何處不傷神

送張南簡入蜀

昨日詔書下求賢訪陸沈無論能與否皆起徇名心君

獨南遊去雲山蜀路深

寄陸補闕

前年同登科

忽憶前年科第後此時雞鶴暫同羣
秋風惆悵須吹散雞在中庭一作庭前鶴在雲

華陽觀中八月十五日夜招友玩月

人道秋中

一作中秋

明月好欲邀同賞意如何華陽洞裏秋

壇上今夜清光此處多

曲江憶元九

春來無伴閒遊少行樂三分減二分何況今朝杏園裏
閒人逢盡不逢君

過劉三十二故宅

不見劉君來近遠門前兩度滿枝花朝來惆悵宣平過
柳巷當頭第一家

下邳莊南桃花

村南無限桃花發唯我多情獨自來日暮風吹紅滿地
無人解惜為誰開

三月三十日題慈恩寺

慈恩春色今朝盡
盡日裴回倚寺門
惆悵春歸留不得
紫藤花下漸黃昏

看暉

一作渾

家牡丹花戲贈李二十

香勝燒蘭紅勝霞
城中最數令公家
人人散後君須看
歸到江南無此花

春中與盧四周諒

一作鯨

華陽觀同居

性情嬾慢好相親
門巷蕭條稱作鄰
背燭共憐深夜月

蹋花同惜少年春
杏壇住僻雖宜病
芸閣官微不救貧
文行如君尚顯賴
不知霄漢待何人

自城東至以詩代書戲招李六拾遺崔二十六
先輩

青門走馬趁心期
惆悵歸來已校遲
應過唐昌玉藥後
猶當崇敬牡丹時
暫遊還憶崔先輩
欲醉先邀李拾遺
尚殘半月芸香俸
不作歸糧作酒貲

盤屋縣北樓望山

自此後詩為
幾尉時作

一為趨走吏塵土不開顏孤負平生眼今朝始見山

縣西郊秋寄贈馬造

一作達

紫閣峰西清渭東野煙深處夕陽中風荷老

一作落

葉蕭

條綠水蓼殘

一作開

花寂寞紅我厭官遊君失意可憐秋

思兩心同

別韋蘇州

百年愁裏過萬感醉中來惆悵城西別愁眉兩不開

戲題新栽薔薇

時尉
盤厓

移根易地莫顛顛
野外庭前一種春
少府無妻春寂寞
花開將爾當夫人

酬王十八李太白見招遊山

自憐幽會心期阻
復媿嘉招書信頻
王事牽身去不得
滿山松雪屬他人

縣南花下醉中留劉五

百歲幾迴同醕酌
一年今日最芳菲
願將花贈天台女
留取劉郎到夜歸

宿楊家

楊氏弟兄俱醉卧披衣獨起下高齋夜深不語中庭立

月照藤花影上

一作階

醉中留別楊六兄弟

三月二十日別

春初攜手春深散無日花間不醉狂別後何人堪共醉
猶殘十日好風光

醉中歸盤屋

金光門外昆明路半醉騰騰信馬迴數日非關王事繫

牡丹花盡始歸來

遊雲居寺贈穆三十六地主

亂峯深處雲居路共蹋花行獨惜春勝地本來無定主
大都山屬愛山人

和王十八薔薇澗花時有懷蕭侍御兼見贈

霄漢風塵俱是繫薔薇花委故山深憐君獨向澗中立
一把紅芳三處心

再因公事到駱口驛

今年到時夏雲白
去年來時秋樹紅
兩度見山心有媿
皆因王事到山中

期李二十文畧王十八質夫不至獨宿仙遊寺
文畧也從牽吏役質夫何故戀囂塵始知解愛山中宿
千萬人中無一人

酬趙秀才贈新登科諸先輩

莫羨蓬萊鸞鶴侶
道成羽翼自生身
君看名在丹臺者
盡是人間修道人

過天門街

雪盡終南又欲春
遙憐翠色對紅塵
千車萬馬九衢上
回首看山無一人

惜玉藥花有懷集賢王校書起

芳意將闌風又吹
白雲離葉雪辭枝
集賢讎校無閒日
落盡瑤花君不知

春送盧秀才下第遊太原謁嚴尚書

未將時會合且與俗浮沈
鴻養青冥翮蛟潛雲雨心
煙

郊春別遠風磧暮程深墨客投何處并州舊翰林

長安送柳大東歸

白社羈遊伴青門遠別離浮名相引住歸路不同歸

送文暢上人東遊

得道即無著隨緣西復東貌依年臘老心到夜禪空山

宿馴溪虎江行瀘水蟲悠悠塵客思春滿碧

一作色滿

雲中

社日關路作

晚景函關路涼風社日天青巖新有燕紅樹欲無蟬愁

立驛樓上厭行官堠前蕭條秋興苦漸近二毛年

重到毓村

一作村

宅有感

欲入中門淚滿巾庭花無主兩迴春軒窗簾幕皆依舊
只是堂前欠一人

亂後過流溝寺

九月徐州新戰後悲

一作急

風殺氣滿山河唯有流溝山

下寺門前依舊白雲多

歎髮落

多病多愁心自知行年未老髮先衰
隨梳落去何須惜不落終須變作絲

留別吳七正字

成名共記甲科上署吏同登芸閣間
唯是塵心殊道性秋蓬常轉木長閒

除夜宿洺州

家寄關西住身為河北遊蕭條歲除夜
旅泊在洺州

邯鄲冬至

一作至除

夜思家

邯鄲驛裏逢冬至抱膝燈前影伴身想得家中夜深坐
還應說著遠行人

冬至夜懷湘靈

豔質無由見寒衾不可親何堪最長夜俱作獨眠人

感故張僕射諸妓

黃金不惜買蛾眉揀得如花三四枝歌舞教成心力盡
一朝身去不相隨

遊仙遊山

閻將心地出人間五六年來人怪閒自嫌戀著未全盡
猶愛雲泉多在山

見尹公亮新詩偶贈絕句

袖裏新詩十首餘吟看句句是瓊琚如何持此將干謁
不及公卿一字書

長安閒居

風竹松煙畫掩關意中長似在深山無人不怪長安住
何獨朝朝暮暮間

早春獨遊曲江

時為校書郎

散職無羈

一作拘

束羸驂少送迎朝從直城出春傍曲江

行風起池東暖雲開山北晴冰銷泉脈動雪盡草芽生

露杏紅初坼煙楊綠未成影遲新度鴈聲澀欲啼鶯聞

地心俱靜韶光眼共明酒狂憐性逸藥效喜身輕慵慢

疎人事幽棲逐

一作遂

野情迴看芸閣笑不似有浮名

祕書省中憶舊山

厭從薄宦校青簡悔別故山思白雲猶喜蘭臺非傲吏

歸時應免動移文

涼夜有懷

自此後詩竝
未應舉時作

清風吹枕席白露濕衣裳好是相親夜漏遲天氣涼

送武士曹歸蜀

士曹即武
中丞兄

花落鳥嚶嚶南歸稱野情月宜秦嶺宿

一作過

春好蜀江

行鄉路通雲棧郊扉近錦城烏臺陟岡送

一作老

人羨別

時榮

江南送北客因憑寄徐州兄弟書

時年
十五

故園望斷欲何如
楚水吳山萬里餘
今日因君訪兄弟
數行鄉淚一封書

賦得古原草送別

離離原上草
一歲一枯榮
野火燒不盡
春風吹又生
遠芳侵古道
晴翠接荒城
又送王孫去
萋萋滿別情

夜哭李夷道

逝者絕影響
空庭朝復昏
家人哀臨畢
夜鑠壽堂門
無妻無子何人葬
空見銘旌向月翻

病中作

時年十八

久為勞生事不學攝生道年少已多病此身豈堪老

秋江晚泊

扁舟泊雲島倚櫂念鄉國四望不見人煙江澹秋色客
心貧易動日入愁未息

旅次

一作泊

景空寺宿幽上人院

不與人境接寺門開向山暮鐘寒鳥聚秋雨病僧閒月
隱雲樹外螢飛廊宇間幸投花界宿暫得靜心顏

長安正月十五日

誼誼車騎帝王州
羈病無心逐勝遊
明月春風三五夜
萬人行樂一人愁

過高將軍墓

原上新墳委一身
城中舊宅有何人
妓堂賓閣無歸日
野草山花又欲春
門客空將感恩淚
白楊風裏一霜巾

寒食卧病

病逢佳節長歎息
春雨濛濛榆柳色
羸坐全非舊日容

扶行半是他人力
誼誼里巷蹋青歸
笑閉柴門度寒食
宿桐廬館同崔存度醉後作

江海漂漂共旅遊
一尊相勸散窮愁
夜深醒後愁還在
雨滴梧桐山館秋

江樓望歸

時避難
在越中

滿眼雲水色月明樓上人
旅愁春入越鄉夢
夜歸秦道
路通荒服田園隔
虜塵悠悠滄海畔
十載避黃巾

除夜寄弟妹

感時思弟妹不寐百憂生
萬里經年別孤燈此夜情
病容非舊日歸思逼新正
早晚重歡會羈離各長成

寒食月夜

風香露重梨花濕
草舍無燈

一作煙

愁未入南鄰北里歌

吹時獨倚柴門月中立

感芍藥花寄正一上人

今日階前紅芍藥
幾花欲老幾花新
開時不解比色相
落後始知如幻身
空門此去幾多地
欲把殘花問上人

晚秋閒居

地僻門深少送迎，披衣閒坐養幽情。
秋庭不掃攜藤杖，閒蹋梧桐黃葉行。

秋暮郊居書懷

郊居人事少，晝卧對林巒。
窮巷厭多雨，貧家愁早寒。
葛衣秋未換，書卷病仍看。
若問生涯計，前溪一釣竿。

為薛台悼亡

半死梧桐老病身，重泉一念一傷神。
手攜穉子夜歸院。

月冷空房不見人

途中寒食

路旁寒食行人盡

一作絕

獨占春愁在路旁馬上垂鞭愁

不語風吹百草野田香

題流溝寺古松

煙葉蔥蘢蒼塵尾霜皮剝落紫龍鱗
欲知松老看塵壁死却題詩幾許人

感月悲逝者

存亡感月一潸然，月色今宵似往年。
何處曾經同望月，櫻桃樹下後堂前。

代鄭叟言懷

人生何事心無定，宿昔如今意不同。
宿昔愁身不得老，如今恨作白頭翁。

自河南經亂，關內阻饑，兄弟離散，各在一處，因望月有感，聊書所懷，寄上浮梁大兄，於潛七兄，烏江十五兄，兼示符離及下邳弟妹。

時難年饑

一作荒

世業空弟兄羈旅各西東田園寥落干

戈後骨肉流離道路中
弔影分為千里鴈辭根散作九
秋蓬共看明月應垂淚一夜鄉心五處同

長安早春旅懷

軒車歌吹諠都邑中
有一人向隅立夜深明月卷簾愁
日暮青山望鄉泣
風吹新綠草芽坼
雨灑輕黃柳條濕
此生知負少年春
不展愁眉欲三十

寒閨夜

夜半衾裯冷孤眠嬾未能籠香銷盡火巾淚滴成冰為
惜影相伴通宵不滅燈

寄湘靈

淚眼凌寒凍不流每經高處即迴頭遙知別後西樓上
應凭闌干獨自愁

冬至宿楊梅館

十一月中長至夜三千里外遠行人若為獨宿楊梅館
冷枕單牀一病身

臨江送夏瞻

瞻年七十餘

悲君老別我需巾七十無家萬里身愁見舟行風又起

白頭浪裏白頭人

冬夜示敏巢

時在東都宅

爐火欲銷燈欲盡夜長相對百憂生他時諸處重相見
莫忘今宵燈下情

客中守歲

在柳家莊

守歲尊無酒思鄉淚滿巾始知為客苦不及在家貧畏

老偏驚節防愁預惡春故園今夜裏應念未歸人

問淮水

自差名利客擾擾在人間何事長淮水東流亦不閒

宿樟亭驛

夜半樟亭驛愁人起望鄉月明何所見潮水白茫茫

及第後憶舊山

偶獻子虛登上第却吟招隱憶中林春蘿秋桂莫惆悵
縱有浮名不繫心

題李次雲

一作虛

窗竹

不用裁為鳴鳳管
不須截作釣魚竿
千花百草凋零後
留向紛紛雪裏看

花下自勸酒

酒醖酌來須滿滿
花枝看即落紛紛
莫言三十是年少
百歲三分已一分

題李十一東亭

相思夕上松臺立
蛩思蟬聲滿耳秋
惆悵東亭風月好

主人今夜在鄜州

春村

二月村園暖桑間戴勝飛
農夫春舊穀蠶妾擣新衣
牛馬因風遠雞豚過社稀
黃昏林下路鼓笛賽神歸

題施山人野居

得道應無著謀生亦不妨
春泥秧稻暖夜火焙茶香水
巷風塵少松齋日月長
高閒真是貴何處覓侯王

御定全唐詩卷四百三十六